

समे — 12:25

<><><><><><>

एह आकाशवाणी जम्मू ऐ, हुन तुस पूजा वजीर कोला खबरां सुनो।

Shah-JK

केन्द्री गृहमंत्री अमित शाह होरें कल आखेआ हा जे जम्मू कश्मीर दे मुखमंत्री उमर अब्दुल्ला हुंदे कन्ने मलाटी सोहार्द भरोची रेहि ते विकास ते शैल प्रशासन पर जोर दित्ता गेआ। शाह होरें इक निजी टी.वी.चैनल कन्ने गल्लबात च आखेआ जे अस क्षेत्रीय सरकारें गी बी बेशक सैहयोग दिंदे आ। उनें जोड़ेआ जे जम्मू कश्मीर दी चुनां दी सरकार कन्ने कम्म करने आस्तै केन्द्र वचनें बज्जे दा ऐ। कुसा गी बी जम्मू कश्मीर च आतंक फैलाने दित्ता नेई जाग ते जेकर कोई नेहा करदा ऐ ते उनेंगी सजा दित्ती जाग। शाह होरें आखेआ जे देश दी सुरक्षा साढ़ी सब्बने शा पैहली प्राथमिकता ऐ। सुरक्षा ते अलगावाद जनेह मुद्दे पर साढ़ा धेइया साफ ऐ। इंदे पर कोई बी समझौता नेई कीता जाग ते नां गै कुसा दूए गी करन दित्ता जाग। कठुआ च होए दे आतंकी हमले दे पिच्छे पाकिस्तान तरफा घुसपैठ दे सरबंध बारे पुच्छे जाने पर गृहमंत्री होरें आखेआ जे घुसपैठ ते पाकिस्तान समर्थित गै ऐ, नां गै रूस जनेह कुसा होर मुख्य तरफा। एह केई ब४रे थमां जारी ऐ। पर साढ़े फौजी ते सरकार दवै सतर्क न। गृहमंत्री होरें अपने जम्मू कश्मीर दौरे दरान वरिष्ठ सरकारी अफसरें, नेताएं ते सुरक्षा अधिकारिएं कन्ने मिले ते जम्मू कश्मीर दी मजूदा सुरक्षा स्थिति दा आंकलन कीता।

<><><><><><>

Summary Revision Nagrota

जम्मू कश्मीर च जिला चुनां दफ्तर जम्मू नै 77-नगरोटो विधानसभा हल्के च डो टू डोर प्रचार शुरू करिये खास सारांश पुनिरिक्षण एसएसआर 2025 तैहत् फार्म 6,7 ते 8 बंडना शुरू करी दित्ता ऐ। आकाशवाणी जम्मू संवाददाता नै जानकारी दित्ती ऐ जे एह कम्म बूथ स्तरीय अधिकारिएं बीआरेओ तरफा कीता जा'रदा ऐ। जेहूदा मकसद योग्य मतदाताएं गी शामिल करना ते विधानसभा हल्के दे चुनावी ब्यौरे गी सेही करना ऐ।बीएलओ होर घरें-घरें जाइयै फार्म 6 देइयै नमें मतदाताएं गी शामिल करने सरबंधी जानकारी देआ'रदे न। फार्म 7 नां हटाने ते फार्म 8 गल्लियां ठीक करने ते मतदाताएं दी एंट्री गी बदलने आस्तै दित्ते जा'रदे न। जिला चुनां दफ्तर नै सारे योग्य मतदाताएं खास करियै नमें मतदाताएं गी अपील कीती ऐ जे ओह इस अभियान लाह ठोआन ते सेही तरीके नां दर्ज करोआन।

<><><><><><>

PM-JAY-JK

सरकार नै 4 महत्वपूर्ण सर्जरिया सरकारी अस्पतालें आस्तै आरक्षत करी दित्तियां न जेहदे कन्ने पारदर्शिता बधोग, बेकार दी स्वास्थ्य सरबंधत दखलदाजी घटौग ते आयूश्मान भारत, प्रधानमंत्री जन अरोग्य योजना तैहत् गल्ल कम्म, कारवाइएं पर रोक लगोग। विधायक तनवीर सादिक हुंदे सुआले दे परते च सेहत ते शिक्षा मंत्री सकीना इत्तू होरें विधानसभा गी दस्सेआ जे सरकार नै पिते दी थैली कड़डने, टिड्डे च निक्के चीरें, बवासीर, अपैंडिक्स ते आप्रेशन सिर्फ सरकारी अस्पतालें च करने दा फैसला लैता ऐ। मंत्री होरें साफ कीता जे ऐसा करने कन्ने सरकार सेही स्वास्थ्य सेवाएं गी मुहैया करोआग, गुणवत्ता गीते मरीजें गी शोशण थमां बचाग।

<><><><><><>

Committee-JJM

जम्मू कश्मीर विधानसभसा दे स्पीकर अब्दुल रहीम राथर होरें बुधवारें क्षेत्र च जल जीवन मिशन जेजेएम गी लागू करने च कथित अनियतमिताएं दी जांच आस्तै इक हाउस कमेटी बनाई। विधानसभा दे किश सदस्यें दी लगातार मंग गी

दिखदे होई एह कमेटी बनाई गई। इक अधिकारिक सूचना च स्वीकर होरें कमेटी दे गठन दी घोषणा कीती जेह्दी अक्षता हसनैन मसूदी होर करगन। पैनल च बक्ख-बक्ख दनें शा 11 सदस्य शामिल न, जिंदे च एम.वाई तारीगामी, अली मोहम्मद डार, राजीव जसरोटिया, रणबीर सिंह पठानिया, अर्जुन सिंह राजू ते इफ्तखार अहमद शामिल न। एह कमेटी जल जीवन मिशन सरबन्धी योजना लागू करने ते पूरी पराती पारदर्शिता पर कम्म करोग।

<><><><><><>

Mahavir Jayanti

24में ते खीरले महावीर जयंति यानि जैन तिरथकार भगवान महावीर हुंदी जयंति अज्ज पूरे देश च मनाई जा'रदी ऐ। जैन समुदाय आस्तै एह ध्याड़ा बड़ा महत्व रखदा ऐ। भगवान महावीर दे भक्त इस ध्यार गी प्रार्थना करियै प्रसाद बडियै ते झांकिं च शामिल होइयै मनांदे न। महाराष्ट्र च महावीर स्वामी हुंदी 2 जहार 623मीं जयंति गी बड़ी श्रद्धा ते जज्बे कन्नै मनाया जा'रदा ऐ। महावीर जयंति दा मुख आकर्षण रथ यात्रा ऐ जेह्दे च महावीर भगवान दी मूर्ति सज्जे दे रथ च रखियै झांकी कड्डी जंदी ऐ ते भक्तजन भजन कीर्तन करदे होई एह्दे च शामिल होंदे न। भगवान महावीर हुंदा दस्सेदा दा त्याग ते स्व अनुशासन दे मार्ग पर चलने आस्तै सारेंगी एह खास ध्याड़ा चेता करोआंदा ऐ। भक्तजन इस दिन मंदी जंदे न, दान पुण्य ते समाज कल्याण दे कम्म च योगदान दिंदे न।

<><><><><><>

President-VP

राष्ट्रपति द्रौपदी मुर्मू होरें ते उपराष्ट्रपति जगदीप धनखड़ होरें सारेंगी खास करियै जैन समुदाय गी महावीर जयंति दी शुभकामनां दित्तियां न। इस सनेए च राष्ट्रपति होरें आखेआ जे भगवान महावीर अहिंसा ते करुणा दे प्रतीक हे ते अहिंसा रमो धर्मा दे सनेए कन्ने उनें सारेंगी शिक्षा दित्ती जे अहिंसा सब्बने शा बड़डा धर्म ऐ। उनें जोड़ेआ जे एह ध्यार आध्यात्मिक दे रस्ते पर चलने ते साधारणता ते आपसी प्रेम कन्नै जीने दी प्रेरणा दिंदा ऐ तोआई उपराष्ट्रपति होरें अपने सनेए च आखेआ जे भगवान महावीर हुंदी शिक्षा असेंगी म्हेशां सेही रस्ते बक्खी प्रेरित करदी ऐ ते सारेंगी बरोबर समझना ते सारें गी कन्नै लेइयै चलने दा उंदा सनेया अज्ज बी प्रासंगिक ऐ।

<><><><><><>

PM-Mahvir Jayanti

प्रधानमंत्री नरेन्द्र मोदी होरें देशवासिं जैन समुदाय गी महावीर जयंति दी मुबारकबाद दित्ती ऐ। इक सोशल मीडिया पोस्ट च प्रधानमंत्री होरें आखेआ जे भगवान महावीर हुंदी शिक्षा पूरी दुनिया दे लोकें गी शक्ति दिंदी ऐ। उनें आखेआ जे उंदी शिक्षां गी बड़े शैल ढंगै जैन समुदाय नै संभालेआ ते सारेंगी प्रेरित कीता ऐ। मोदी होरें आखेआ जे भगवान महावीर हुंदे नजरियै सुखने गी पूरा करने आस्तै सरकार वचनें बज्झी दी ऐ। उनें दस्सेआ जे पिछले ब'रे सरकार नै पराकृत गी शास्त्रीय भाशा दा दर्जा दित्ता गेआ हा जेह्दा मानै आला फैसला हा।

<><><><><><>